庫全書

子部

欽定四庫全書母助編卷下

詳校官監察御史臣邱文愷

侍讀臣孫球覆勘

校對官助教臣汪錫魁覆校官無吉士臣係立綱

膝録監生日

梁鳴岐

次定四年全等 **禽來自海東唯青鴻最嘉故號海東青充守王仲儀龍** 到彼獨後去而不得易飲盖衆客旅進退必持留 ,他知非丞相民弟則不復延坐遂超而出也 霜集品仍多萬里秋天數刻過校免積年安 贈威敏孫公旨皂煩鍋不堪搏擊公作詩起 祐中為於州曹官自云以温公之故每 雞肋綿 莊綽 撰

自 害或云止如蚯蚓鳴叩欄即止非井鳴也 本 唐以郭與鄭幽與幽相類文移差候故鄭去邑幽為 史灾其所未有或云去歲國中如此遂有大水漂沒之 紹 女真以致大亂由此鳥也 網 茂草七人終日望滄波青端獨擊歸林麓皂頻群飛 羅為謝文登賢太守求方逐惡意如何後遼國求於 朝景祐三年知祥符縣郭輔之奏西川維州與京東 與四年温州瑞安縣井鳴如鐘聲総而州中亦然前 U 月とこで 卷下 奶

次定四車全套 一 之用不與馬尹洙叙息戍篇曰國家割棄朔方西師不 縣 萬七千人騎歲支粮錢帛二千四百四十五萬而非常 歐陽脩為河北都轉運使上宰相書云自河北州府軍 維州相去僅六千里而追角逃軍轉追差候乞改州 在職者一千二百餘員廂禁軍馬義勇民兵共四十七 馬 上取地齿觀之以維州以威服西山八國遂改為威州 百八十有七主客之民七十萬五千七百户官吏 雞肋編

卒十餘萬一卒歲給無處二萬者總廪給之數思 定然屯戍之費亦已甚矣西戎為寇遠自周世勞與中 馬以十萬衆較之歲用二十億自靈武罷兵計費六百 征用繞五十四億而翦滅殆盡今西北四即 出三十年亭徽千里環重兵以戊之種落屢擾即時解 百四十億永和末復經七年用八十餘億及段紀明 國東漢尤甚費用常以億計孝安世數叛十四年用二 餘億方前世數倍矣 寧涇 秦原 賞其 延郊戍 出 不中

设定四重全套一 輔 宣和中余深為太宰王黼為少宰是時上皇多微行而 其間逃廢之田不下三十餘萬頃不及開元三分之 皇祐中右司諫錢彦遠乞置勸農司云唐開元年有户 是田轉不闢而游手多矣 有户九百五十餘萬定墾田一千二百一十五萬頃餘 司諫曾輔言之一日上皇獨留黼問輔何自而知 口八百九十餘萬定墾田二十四百三十餘萬頃國家 南劒人而余深門容乃輔兄弟恐深與容言而達於 雞肋編 對曰

文學泰軍范宗韓上啓責之曰王氏之琪珪难犯器盡 唯韓億諸子及王氏而已時翰林學士彭乘不訓子弟 世世之言衣冠子弟能力學取富貴不精父兄資蔭者 王琪字君玉其先本蜀人從弟珪瓘玘玩旨以文章名 遽讓其位馬 同 輔也上皇然之即下開封府捕深客錮身押歸本貫 驚駭莫知其由而深患失何敢與客語又會只同 郡實非親也未然王獨賜玉帶余遂求罷即得請輔 卷下 内 姓

ELED BE VI Y'I'D 七千六百餘石臣上此議今十七年矣若於夏秋正 **瑞璵韓家之綜絳鎮維才皆經緯非蔭而得由學而然** 外每二升别納一升計 唐正觀初尚書左丞戴胃議立係制王公以下墾田弘 皇五年工部尚書長孫平建言諸州共立義倉於當社 税二升至天實八年天下義倉共六千三百八十七萬 王琪為三司判官景祐中上言乞立義倉曰謹按隋開 云 雞肋編 一中郡歲可得五千石豈减天 税

三年两舉直言和帝十七年一舉賢良安帝順帝各十 金员四周全書 七年皆两舉賢良 孝元十六年間一舉賢良一舉茂材成帝三十六年間 賢良文學之士武市五十四年中一舉賢良一舉茂材 賢良方正言極直諫科始於前漢武帝而文帝已皆舉 實之多子於是詔天下皆立義倉惟廣南以納身丁米 故獨不輸 四舉方正直言後漢光武三十二年两舉賢良章帝十四舉方正直言後漢光武三十二年两舉賢良章帝十

杭州遭方臘之亂熊門州宇皆被焚翁彦國壞佛寺以 **荡欲安及側之意也** 此官為恥然清流者寄禄官下皆有無字至賊輩則無 新之乃求梁師成書寧海軍大都督府二榜軍字中心 とこりるところ 通之變乃取二牌焚之 又加遙郡者盡以忠州處之其徒亦稍有解者甚非曠 筆上出督下從日時謂督無日軍出頭總有叛卒陳 與之後巨盗多命官招安率以宣賛舎人罷之時以 雞奶編 五

金牙四犀全書 車駕渡江韓創諸軍皆征戍在外獨張俊一軍常從行 京師舊日浮浪軍以此為跨今既效之又不使之逃於 第宅房廊作酒肆名太平樓般運花石皆役軍兵衆卒 他軍用為驗也然既苦楚又有費用人皆怨之加之營 在揮卒之少壮長大者自臀而下文刺至足謂之花腿 不得行在盖起太平樓紹與四年夏韓世忠自鎮江來 曰張家寨寒沒來由使它花腿檯石頭二里猶自放 所領兵皆具裝以銅為面具軍中戲曰韓太尉銅 顩

欠日日日 人工 遂命之為修亦豈在是也河陽張望九子皆連立字令 房遂絕人謂數已識於其始然蔡子正樞密之子以五 第三房名子或曰執柔襲譽傳正人莫晓其意義乃以 人伯父首得子即以八元名之後果諸房得子八人两 張大尉鉄鰔世謂無庶不畏人者為鉄鰔也 行為名至第六子名之曰穀以應六府晚年又得一子 世人名子多連上下一字或從偏傍唯李復主修撰兄 **仄平仄仄平仄為異也永嘉林李仲懿成云渠諸父五** 雞肋編

從華矣 金龙口馬白雪 以其親近為言已極鄙陋而浙人呼為貼身或曰橫水 古所謂勝妾者今世俗西北名曰祗候人或云左右 以立門金石心為序靖生閣閣之女嫁鄭居中長子修 程汝文公異知越州坐拒旨不敷買絹事削官謝表云 年而臺卿諸子因更從年慕勢而違祖訓金石之心遂 忍效秦人坐視越人之将既安劉氏定知晁氏之危後 江南又云横門尤為可笑

欠三日日 Line 18 安之人萬衆仰觀迨暮光芒數寸照物有影明日太 紹 所 免無放之誅人以為恨然行未道不為經天又不知 道非過午也但罰宿三十直而已時謂有昏迷之罪而 乃奏云太白自十七日畫見天文官失於觀瞻然行未 之齊今居廊廟永圓劉氏之安盖用其語也 拜私政温人宋之方作啓賀之曰昔鎮藩維已念越 據而言也 與四年六月二十三日申未間太白在日後畫見臨 雞肋編 何

為 金岁世屋有電 萬四百八十束料六千四十八石而激賞回易之費不 後又分為神武五軍劉光世韓世忠張俊王聚楊沂 建炎之後除殿前馬步三即外諸将兵統於御管使司 則五軍可略見矣至紹與中吳玠一軍在蜀歲用至 在馬韓軍不知其實但朝廷應副錢月二十一萬餘貫 百三十八石三斗粮米七千九百六十六石八斗草六 百九十貫三百文旦應 五帥 劉太傅一軍在池陽月費錢二十六萬七千 副萬 餘四 仰千 曾司也 米二萬五千九 贯係朝 四 六 中

為 前世謂阿睹猶今該云兀底寧馨猶恁地也皆不指 世以浙人孱懦每指錢氏為戲云做時有宰相姓沈者倚 絡米七萬餘石比劉軍又加倍矣而馬獨林不預馬 RED BE MENT 張 物 千萬紹與八年余在鄂州見岳侯軍日用錢五十六萬 群臣問計云若移兵此來誰可為禦三問無敢應者久 謀臣號沈念二相公方中朝加兵江湖做大恐盡集 謂詩云家無阿睹物門有寧馨兒與欽頭無異矣 事之詞故阿睹有錢目之異寧馨有美惡之殊而 雞肋編

官 者名壞官承宣帶四廂都使人以太尉呼之然所 之沈相出班奏事皆傾耳以為必有奇謀乃云臣是第 之文雖見執政亦然亦無質狀雖無條式相循以為故 從官門状勢云起居辭云攀違其官謹狀無候裁台旨 十太尉遂為名對也 負敗未嘗成功時謂沈念二相公二百年後始得王三 箇不敢去底朝廷渡江時人呼諸将皆以第行加 稱劉三張七韓五王三十皆神武五軍大将王三 声とこれ 卷下 至 軱 於

事李正民方叔侍郎謂非以為尊大侍從之臣於同 たこの日本語 **柴新再焼以驗美惡以擲地散遠而浮颺者為佳以** 難 輕 衢 灰亦以其日日 石 二浙造酒非 滑煉之熟也官得之尚再以柴煅方可用髮方用冬 施候古之辭也 灰而并用之又差異於浙東也 州歲用數千缗凡僧寺此灰民皆斷樣以買既又以 用灰則不澄而易敗故買灰官自破錢 加火久乃堪耳如平江又用樸木以煅 雞肋編 九 其 少口 列

章子厚為相斯侮朝士常差 錢捻以郎官作張俊隨軍轉運自請乞超借服色既得 亦惠以金魚趙叔問在坐戲之曰可以一縣為慶所 之遂誇於衆云方患簡佩未有而富樞以笏相贈范 未相允其人云某之所陳莫非情實章矣云公何不道 力解再三不允遂往都堂像之章云以公所陳不誠故 手持樞府之主臀打相公之袋坐客莫不絕倒 自揣臣心誠難過海 卷下 役官使高麗其人陳情 相 調

飲定四車全書 韓世忠輕薄儒士常目之為子曰主上聞之因登對問 回 應盡為三娘子也子厚嘿然 龍何功之有又聞龍女有五十三廟皆三娘子一龍 大河之塞本上天降祐宗社之靈朝廷之德吏士之勞 張子厚知太常禮院定龍女衣冠以其封善濟夫人故 五十三龍耶一龍則不應有五十三廟五十三龍則不 依夫人品程正叔以為不然曰龍既不當被人衣冠 聞鄉呼文士為子曰是否世忠應曰臣今已改上喜 雞肋編 矧

吉州江水之東有二山其一皆松杉筠篠草木經冬不 事休引惹邊事盖指其詞為引惹也 擊楫渡江金鼓響如雷韓聞之即悟其肯云給事世忠 其傾瀉韓怒曰萌兒輩終是相護又戲沈云問道教給 沈不勝盃酌屢致嘔吐後至参佐僚屬斟既不滿又容 江即沈晦因敵退錫宴自為致詞其末云飲罷三軍應 以為其能崇儒乃曰今呼為前兒矣上為之一矣後鎮 不敢過淮已而自起以大能勸之総而使諸将竟獻

次 己 ロ 未息丙辰歲青黃二原又發洪水衝决尤甚是冬敵人破 靖居有顏魯公書邱又有卓錫虎跑雷頭天竺四泉 於两山土人謂之山笑青原飄屋六十餘楹而山不 凋號曰青原即七祖思可妙應真寂大師道場今寺名 **圯黃原山遂破裂自是諸縣相繼為賊殘毀經六年** 原 水豐吉水傅州城入大和方安至丁已春始定 不生草木號曰黃原正在州東故古語識云最好黃 天卯山此方盗賊起應難自建炎丁酉歲忽洪水發 HOL LI LIN 1801 雞肋編 植 推

金牙口屋 北流一里許合流為賴江江中巨石森峰如筍水湍激 軍 縣遠者去州七百餘里本朝淳化中分二縣以置南安 扼尉它隋開皇九年始曰 慶州以慶化水為名本十 犯上胃禁不畏誅殺建炎初太母携六宫避兵至彼而 度州本漢賴縣屬豫章郡高祖六年置使灌嬰屯兵以 歷十八難凡三百里始入吉州萬安縣界為安流州 四傍皆連山與庾嶺循梅相接故其人凶悍喜為盗賊 州城梁徙於章貢二水間貢水在東章水在西夾城 有量 之

陳大五長者首為狂悖自後十餘年十縣處處盗起招 卒告以持錢市物不售問市人何故則云宣政政和是 ここ フランニ 雷怒號亦以為異趙正之都運云渠在蜀中十月聞 紹 來捕戮終莫能禁余當至彼去州五十里宿於南田吏 雲迈寒雖立春數日然於候差早老杜詩載十月削南 天性亦山水風氣致然也 上皇無道錢此中不使竟不肯用其無禮不循法度盖 與四年十二月二十九日三十日洪州連大雷電雨 胜力漏 ナ 雷

動灾匹库全書 也 臨 文杏館斤竹嶺木蘭柴菜更片宫槐陌鹿柴北坨歌 後表所居為鹿莊寺而長安志乃云清源寺未知志何 園 王摩詰畫其所居輞川有輞水華子崗孟城坳 椒 湖亭樂家瀬金屑泉南吃白石灘竹里館辛夷塢添 據舊史載本宋之問別墅而新史略之杜子美詩宋 相處以為豐年之兆盖四方遠俗未可以一理 國凡二十一所與裴迪賦詩以紀諸景唐人記云 卷月月 丰田 湖 莊 論

断案贖照寧中始罷開奏之法止中刑部元豐中又罷 安鼎為御史論本朝歲斷大辟人數天聖中一歲二千 Call of Line 已上按國朝會要淳化初置詳覆官專閱天下奏到已 百餘人元祐元年二年四年各四千餘人三年三千 和裴迪三詩裴事業未見其它想非碌碌俗士耳 公舊池館零落首陽阿則又非西都藍田之墅也杜有 三百餘人當時患其數多大議改制元豐歲率二千三 省獨委提刑司詳覆刑部但抽摘審核元祐初始復 雅奶编

多灾匹库全妻 獄馬 盡瓊天下之案庶令內外官司知所畏懼而盡心於刑 書右選二百八十三員侍郎左選五百三十七員並候 侍郎右選八百餘員並使一年以上至二年两季關尚 祖宗法專委刑部郎官三两員通明法律者不限分數 刑部詳覆司然不專任官屬又有摘取二分之限乞依 元祐六年五月吏部待闕官尚書左選一百六十二員 一年一季已上至二年三季闕四選宗室已未有差遣 巻下は

次近四年在十五 坡坡應聲曰江去水為工添於即是紅紅旗開向日 之使言乃曰此怕負漢也蘇大喜厚賞之 韓信不肯反其人思久之曰未知中否然不敢道孫迫 素孫畏內殊甚有官妓善商謎蘇即云蒯通勸韓信及 馬縣迎風雖粉意為妙而敬捷過之蘇公皆會孫賁公 共一千四百八十餘員 風暖鳥聲碎日高花影重坐客莫能各他日人以告東 黄魯直在衆會作一酒令云虱去 乙為 虽添几却是風 雞肋編 志 白

贵姓也 分り口 余家故書有日縉叔夏鄉文集載淮陰節婦傅云婦年 無賢今未問君名姓将何出喬愕然不能答盖古惟有 與朱相值速問之云君名希亮謂希何亮朱報云何 少美色事站甚謹夫為商與里人共財出販深相親好 橋 朱希亮顏川人為鄧州教官有喬世賢者恃才輕忽偶 至通家往來其里人悦婦之美因同江行會傍無人即 姓而省木莫知其由至唐始有暴及知之或云匈奴 卷下 世

次定四年公子 感里人之恩人亦喜其義也姑以婦尚少里人未娶視 排其夫水中夫指水泡回他日此當為證既渴里人大 呼求放得其尸已死即號動為之制服如兄弟厚為棺 家奉其母如已親若是者界年婦以姑老亦不忍去皆 亦均分著籍既歸盡舉以付其母為擇地小與日至 **敏送終之禮甚俗録其行索一毫不私至所販貨得利** 大雨里人者獨坐簷下視庭中積水竊笑婦問其故不 猶子故以婦嫁之夫婦尤數時後有兒女數人一 雞肋編 五五 其 Ð

金罗口 肯告愈疑之叩之不已里人以婦相歡又有數子待己 指水泡為證今見泡水竟何能為此其所以笑也婦 必厚故以誠語之曰吾以爱汝之故害汝前夫其死 婦慟哭曰以吾之色而殺二夫亦何以生為遂赴淮 笑而已後何里人之出即訴於官鞠實其罪而行法 記姑叙其大略而已 死此書吕氏既無而余家者亦散於兵火姓氏皆不 談載品籍权臨終身縮才數尺洛人范季平子婦 Ţ 12:11 卷下 時 能 馬 而 亦

火足り車人馬 名余過彼得破魔上有隷書開皇九年四字竟不知墓 兒亦可怪也 為何人又洪撫之間地名清遠有净居院余又得 洪州之北四十里地名辟邪以江邊有此石獸故以為 江南人謂社日有霜必雨西辰春社繁霜覆瓦次日果 四傍皆印開皇十六年字寺後山上有壽章亭亭前樟 庾界年浸亦短縮紹與六年春卒於臨川才如六七 歲 雨 雞肋編 太 塘

者極難得其大樹二月初因雷迸出白芽肥大長半寸 韓出知剛福州長樂人當監建溪茶場云茶樹高丈餘 僅可蒸研以成一胯故謂之水芽然須十胯中入去歲 許採之浸水中埃及半斤方剥去外包取其心如針 州其墓甓皆印東坡二字洛人王壽卿所蒙余在襄陽 木圍三尋多題詩云三經霹靂中有巨地也東坡葵汝 得隸書宋昇明三年韋長史墓博考之香之父也餘六 百年矣堅實可作硯避地亦棄於陽程善財寺中 卷下 次正日東上島 茶子浸使生芽十胯中八分舊者止微取新香之氣而 水芽一胯猶貴五十如紹與六年一胯十二千足尚未 龍團之中採茶工匠幾千人日支錢七十足舊米價賤 宣和中臘月貢或以小株用硫黄之類發於陰中或以 故官茶色多紫民間無力養火故茶雖好而色亦青黑 能造也歲費常萬緒官焙有緊慢火候慢火養數十日 如此者不過可得一百二十勝而已其剥下者襟用於 舊水并两勝方能有味初進止二十勝謂之貢新 雞肋編

金少口匠人二十二 者百數李伯紀職大觀文官銀青即福唐亦寄題二篇 卯在六日為豐年之北李舎人 罗西美云李善三命你 誦少陵窮老真無事江山已定居之句以自况時賦詩 吕丞相元直以使相領宮祠卜居天台作堂名退老每 於陰陽書多通 已入香龍茶每斤不過用腦子一錢而香氣久不歇以 歷日中治水龍數乃自元日之後逢辰為支即是得寅 二物相宜故能停蓄也

Clair Day Train 晉史温嶠傳司禄命為都官從事度散有重名而頗聚 其末章云片帆雲海無多地嘆息何由風末寫時謂二 婚傅皆載未知熟為是也 幡森森如千丈松雖礧阿多節施之大厦有棟梁之用 斂 嬌舉奏之京都振肅散傅云温嬌奏之散更器嬌目 如千丈松雖磥何多節目施之大厦有棟梁之用則 而 公窮老末實何言之謙也 和橋傅云遷太傅從事中即便數見而嘆曰橋森森 睢肋蝇 ナハー

卸分 解其識 楚州有賣魚人姓孫頗前知人灾福時呼孫賣魚宣和 蒸餅云可以點心上皇雖訝其異然未肯接孫云後來 此亦難得食也時莫悟其言明年遂有沙漠之行人始 建炎三年已酉金人至浙東破四明明年退去時吕源 至小殿時日高拜跪既久上覺微餒孫見之即出懷中 枚坐一小殿中已而上皇駕至偏詣諸殿焼香末乃 上皇聞之召至京師館於實錄官道院一日懷蒸餅 四月全書 卷

一時7 とこう 斃 意 意其中有金壁之物竟往發之乃枯骨而已衆忿 復 **疼於西壘之根吾小兹土後當火德五九之間世泉道** 其勞力盡投於江中視銅鐘之上有刻文云唐與元初 敗浙梁相総丧亂之時章貢康昌之日復工是壘吾亦 仲春中已日吾李爱子後蘇於廬陵隕於西壘之巔吾 知吉州華築州城役夫於城脚發地得銅鐘 出是却東平泉工决使吾爱子之骨得同河伯聽 司天文昭政命令晦明康定之始末欲坐於它山就 1001 List 1001 雕肋編 え

金克四戽全書 炎四年唐戊三百四十七年矣如火德浙梁相繼康昌 於水府矣京兆逸翁深南記按唐與元元年甲子歲朱 六月甲辰泚始伏誅七月壬午至自與元之時也迨建 此李懷光偕叛德宗自奉天移幸深州之歲二月十 崇寧中李誠編營造法式云舊例以圍三徑一方五斜 却未知為誰則逸翁之術亦可謂精矣 東平水府之識莫不皆符但五九之數未解而復出是 日甲子李懷光反中已盖十七日已已也康定之始則 卷下

奕 薄 壁 五 百 為處疎 六稜八稜取 柱 圓 其斜六十 拱曲 礎 枡 經 名六 百其斜一 飛 内 档案 壁柳 昻 略 取 有 方 科櫨 頗多今按九章算經圓經七其圍二十 調碟 名 平 之礩 圓 五六稜經八十有七每面五十 五 一百四十有一八稜 坐名 斜鐵石碣 准 百中 角飛碇碩 此 昂音城 又載名物之異曰牆 得七十有一 昂英 項 磉 陛閣 昻 仐 平道 材 坐燈 爵 名三 鼓道 頭 方内取 坐账 名四 經六十每面二 方章 梁 名三 桁材 孫爵 栱 徑圓 名 頭頭 其 名 廇梁 哱耍 五 六 垣牆 蜒頭 斜 得 頭胡槉門 絲墉

欽定 名 階楯 閣之 名 蜀 极 楹柃 柱上 四 閱鳥 平 匹庫全書 鬭 今頭聯槍 風淤 拒 楹 今撤 柱桓 馬义子名 呼大樓宇 謂柵 搏 斜 楹 藻井 為門標稿 柱 之據 柎 陽 馬名 潘 名 名 橋表房楣 落 五、 星相廳屋 四 枝斜 門閥提曲替州 平 名 桦梠 木複 撑柱 井藻 柜梐 角觚 卷系 四 棟义梧 基 庮檑 桁枑 角棱 今井 舉 椽 名 馬梐 謂圓 手迕 梁 陽 泥墐 屏 泉 名 馬 之 꾍 折 階 名三 抹閱 風 名 起平 四 方 名 鉤 侏 名 以機 名桶 四 蒯 四 方平峭崩 二椽極棟 名 禄撩舉峻棟據 搏桴 尿皇 陔階 柱 施平折闹 名 摘胜屏邸 禁撩標稳 素基 熙檔 鳥 桶短榜梦 風後 椽 頭 蹙 板 **梐檻版俗** 柱税 檐 搏 浮侏 PF 牢斬者謂 欄檻謂之 名 名 柱儒 風

博名四 發瓶輛又云史記居千章之 盖庸峻也今俗謂之舉折 措者調之失章失**架盖調此也宋祁筆録今造屋有**曲 因而用之凡屋之高深名物之長短曲直舉折之勢規 折者謂之庸峻齊魏間以人有儀矩可觀者謂之庸峭 謂之足材其規矩制度皆以章絜為祖今人以舉止失 矩絕墨之宜皆以所用材之分以為制度材上加架者 至按構屋之法皆以材為祖祖有八等度屋之大小 住力部 秋注章說文契 閼

金 定四庫全書 羣物余官原州時官庫慶錦堂酒取數絕少醇 百 寂於 蘇子瞻與劉孝叔李公擇陳令舉楊公素會於吳與時 號像裂今日乃信非虚名誰言醇醪能獨立壺腹迸裂 陶隱居注本草云大寒疑海而酒不水明其性熱獨兒 無由傾則塞上之寒隱居生於東南蓋未之見耳 聚吳分試問也應房有老人星後十五年蘇公再至吳 張子野在坐作定風波詞以詠六客卒章云盡道賢人 路而怪其成水及見司馬温公苦寒行云并州從來

次定四華在馬 宋綬之該通韓維之方悟乃始不由科第自致清華 主 方劉景文為坐客仲謀請作後六客詞云月滿茗溪照 與則五人者皆已亡矣時張仲謀張東道蘇伯固曹子 程俱致道以外氏陰入官少有文稱車駕在錢塘不試 月獨凄凉緑髮養顏同一醉還是六人吟笑水雲鄉實 夜堂五星一老關光芒十五年間真夢裏何事長與對 而除正字其謝表云以權德與之器業李衛公之才飲 談鋒誰得似看取劉曹今對两蘇張 雞肋編 主

楊大年之一世英豪歐陽修之諸儒領袖安石之經 金少口 珪才研一寸其下四秩用 承晏墨遂至二寸則膠法 珪之右者其堅利可以削木渠書華嚴經一部半用 前修盖自唐以來才十數人亦可謂榮矣然自是率多 蘇軾之文章故皆不待試言徑司解命如臣何者濫 吳开正仲家蓄唐以來墨諸李所製皆有之云無出廷 知矣王彦若墨說云趙韓王從太祖至洛行宫故見 不試人反以為濫也 桁 繼 廷

欠正日日人后 一 生前祇愁公子從歷說火煅生分不直錢 墨假而分之自是李氏墨世益少得云余皆和吳觀墨 王之子婦尊中血運危甚監求古墨為藥因取一枚投 吴幵正仲著漫堂集載唐顧况老失子作詩云老人哭 餘事却笑磨人得永年三友不居毛詢後五車仍在褚 烈火中研末酒服即愈諸子欲各備産乳之用乃盡取 云賴召陳玄典籍傳肯教邊腹擅便便竟跨削木真 箧取視之皆李氏父子所製墨也因盡以賜王後 雞肋編 重

金分 城人丁已歲為浙西提舉市舶其室王氏亦睢陽人景 之哀甚未幾復生子非熊能道前世事云在冥中聞其 爱子淚下皆成血老人年七十不作多時别每誦詩哭 熊類可謂異矣晉叔賢厚是宜有子者余亦識晉叔宋 父哭并詩不勝其哀愀於真官復為况子非熊仕至起 復為子子子十月十日於五年果復得子其事頗與非 居舍人朱明發晉叔紹與辛亥十月末在蒼梧失子其 子未病時書總壁皆作十月十日字既卒夢於其母且 U 屈在這

吉 南 灘 注云蜀道有錯喜惟鋪入賴有大小惶恐難天設此 てこり 融 其北歸云予發度州江水清漲丈餘賴石三百里 州萬安縣至度州陸路二百六十里由賴水經十 之女同老之孫也 見者惶恐之南次名漂城延津大勢小勢武朔崑崙 三百八十里去度州六十里始出贑石惶恐難在 五里東坡貶嶺南有初入賴詩云七千里外二毛 灘 頭一 1.25 葉身山憶喜惟勞遠夢地名惶恐泣於 雕肋編 三十四 縣 無 對 臣

剑与 大王四洲水漲或落皆可行惟石投水不深為可畏也 蔡確持正始為京北府司理恭軍會韓子華建節出鎮 責知安州後團有浮雲樓樓下臨沄河當賦十詩有葉 将軍之句公喜薦之改京秩元豐中致位宰相元祐 祁刀 **殺口横石清洲銅盤落瀬大湖狗脚小湖 砮機天注鱉** 底出巢黄口開溪邊逐隊小魚忙之句又一絕云矯 口凡十八難自沒口難屬度州界又有錫州大小湖李 到設與蔡作口號有儒死告推唐吏部将壇今拜 四库全書 卷下 矯 初

j

į

策相類 皆注釋以進坐務訓貶新州而死其始終盛衰皆以詩 的 論語音注引春秋少陽篇謂伯夷姓墨名光一名元字 太史公作伯夷傅但云伯夷叔齊孤竹君之二子也而 斯公無碧灣時宣仁聖烈皇后聽政知漢陽軍吳處厚 名 公信叔齊名智字公達夷齊諡也陸德明取之不知少 -10 m /15 亦可異也然元祐黨人之禍自此而起幾與牛李之 臣郝甑山忠言直節上元間釣臺蕪沒知何處嘆息 您的编 孟

剑灾四戽全書 皆有劉孝標亦云子與因减倉之訴五臣注為孟軻字 未聞而李翰注蒙求引史記云字子與今觀史記則未 是 妾號琵琶姐又蓄一鸚鵡甚慧每呼其妾亦不言止擊 蔡忠愍既以詩得罪遂以言為戒其往新州止携 也 陽篇何人所著今世猶有此書否如趙岐謂孟軻字則 鍾鸚鵡聞之即傅呼琵琶姐未幾其妾瘴厲而死自 不復擊鍾一日因聖節開於遂服冠裳而帶尾誤擊 卷下 一愛

沈 謂 處 成病以致不起 たこり目だれる 州 猶在琵琶事已非堪傷江漢水同去不同歸自是鬱鬱 鍾 面皆銷釋而其餘米色如故與沈所書盖相符也 而福慧寺普賢像亦裂其所乘獅子凡金所飾與像 存中筆談載雷火鎔寶劒而鞘不焚與王水注素問 龍火得水而熾投火而減皆非世情可料余守南雄 有聲鸚鵡遂呼琵琶姐公大感馆因賦詩云鸚鵡聲 紹與丙辰八月二十四日視事是日大雷破樹者數 雞肋編 去

宫女凡六千餘人則道君朝盖以萬計矣見吳幵承古 椿子秋熟有穗粒如小豆上有鹽食之酸酞止渴 柳子厚作毗字宜當從柳本草木部鹽麸子云樹葉如 士書信有柴胡正用柴字則割集音恐誤也又仙靈脾 摛 **茈胡則音崇茈草茈薑則音紫按少陵詩云省郎憂病** 此胡本草音於而劉禹錫集音於按廣韻此字有二音 淵聖皇帝以星變責躬詔云常膳百品十減其七放減 文集 眉在書 卷下

屎 橗 東坡居士云嶺南地暖百卉造作無時南雄州在大 谷五倍子疑為吴精子語誤而然耳又猪苓一 KIED MOL LIBERT I 穗 按 名之按通俗文猪屎曰鮹音靈恐當用 陷 王篇精音皮秘平秘二切云木名出蜀中八月中吐 奴鹽而五倍子生此木葉下本 下總數十里與江南未相遠也而氣候頓異二月半 如鹽状可食味酸美即鹽麸子也本草云生吳蜀 隱居云舊云是楓樹苓其皮至黑作塊似猪屎 難肋編 一物也乃載於草部 鯔 二十七 字 一名假 猎 庾 故

金与 **益或發於大本之上却無枝葉此尤可怪然花發不數** F 梨花己謝緑葉皆成陰矣如若 個四時 陽氣發亂無全功浮花浪蓝鎮長有幾開還落瘴霧中 二年流寫出嶺外所見草木多異同冬寒不嚴地怕洩 又其開發先在西北枝而北嚮常盛者緣日行非南 適調封丘尉不得志去客河西節度使哥舒翰奏為 極則猶在其北故爾 朝謝香魚亦薄盖其津脉漏泄者多故也退之詩云 凹 月在書 開 花橘已實仍 至

欽定四軍全書一 語戲之曰有甚意頭求富貴沒些巴鼻便姦邪而其後 身滿瘡則唐世禄自簿尉皆未免於鞭扑而史不載所 熙寧初有士子上書迎合時字遂得堂除蘇長公以俚 以責官多使為之欲重為因辱也 尉中始與撫楚辭韓退之作荆南法曹與張籍詩云判 右驍衛兵曹泰軍掌書記杜子美有詩送之云脱身簿 阿宜詩云泰軍與縣尉壓土驚的數一語不中治笞蕃 司甲官不堪說未免撫楚塵埃問杜牧之亦有寄小 雞肋編 姪

駭者 當時選調出常調今日僧家勝俗家 衆又呼舅為官姑為家竹舉為逍遙子女婿作財馬皆 有說而未有能辨之者或謂附肉為甲則甲何可除也 歷日中有載除手足甲又有除手足爪甲爪之異必 自 廣南俚俗多撰字畫以筝為恩奎為稳震為矮如此甚 禪林釋子超利諛佐又有甚馬懶散楊峒續成一絕云 中州所不敢言而嚴除爆竹軍民環聚大呼萬歲尤可

飲定四車全書 麾以對五馬為太守故事而收之黄州即事云莫笑 把一麾江海去樂游原上望昭陵後人由此遂專作旌 麾東下計滿江秋浪碧恭差乃在吳與之前時無把字 為揮斥之字而杜牧之将赴吳與登樂游原絕句云欲 矜因事左遷成為始平太守塵指塵也按塵字古亦用 顏延年詠阮始平云屢薦不入官一麾乃出守五臣注 云山濤薦咸為吏部郎三上武帝帝不能用首勗性自 不知訓塵為何義也 維肋編 克

茶磨其佳者號掌中金小避之東南三十里地名童子 南安軍上猶縣北七十里石門保小邏村出堅石堪 韶 製得世多稱來陽為上或 謂不若上猶之堅小而快 雪片齒雖久更開斷去度州百餘里價直五千足亦 美惡須石在水中色如角者為上其磨茶四周皆与 保大塘村其石亦可用盖其次也其小邏村所出亦 人意平二年為桂陽守開昌樂龍為舟人之利廟食連 州有漢隸書周府君功敷記銘云諱璟字君光下邳 老丁 作 有 頗 女口 也

朔)t) とこりまとう 塞门 之 明晉廢後魏孝文石勒李勢皆常以名年而四非 如 又 碑也自熹平二年至太和九年已六百六十三歲矣 是之完也 至紹與丁已凡九百三十五年若其本刻字畫不能 其後刊太和九年云云字作今體按太和之號乃魏 而碑在曲江郊外為風日所剥紹與七年始遷於城 伯龍欲謀什一 所及晉太和之歲數未常至九疑唐文宗太和重 而為鬼揶揄則貧富固有定分非 錐肋編 Ē 其

金分四月生書 **泉之屬莫有覺者至明方申官捕賊則其女復死矣天** 去遂若平人其家既喜且俊皆酣寢是夕盗者盡偷衣 資以適人衆為斂錢以嫁未幾歸寧感寒疾數日而卒 中科第獨未皆得預鄉薦其貧幾無壁立有女年長無 力所能移也類昌士人馬磐能文有行義受業之徒多 其呼聲云復生釘不可發破木以出視其殮衣皆使脱 夫家在外邑方暑不可待其至又丐貸以險既闔棺 窮人其巧如此 卷下 闡

章 為宿習其事甚衆唐以文稱如白樂天七月而識之 **とこりをという** 天下之事有不學而能者儒家則謂之天性釋氏則 動靜劉晏之正朋字豈學之所能至哉以羊祐識瘦環 之處推之則宿習為言信矣 口 二字權德與三歲知變四聲四歲能為詩韓退之自云 歲讀書十三而能文杜子美亦自謂七龄思即 詠鳳皇九齡書大字有作成一囊若李必之賦方圓 誼宜叟為户部尚書閉門謝客雖交舊亦其之接有 雞肋編 圭 壮 無 開

京諭女童使焚香久之不至坐客皆竊怪之已而報云 周 男女之状又與中丞周子武書於其街下云男愚兒 為笑又有太守寺丞華某上留守吕丞相書於紙尾圖 輕薄子一日留刺閣者多與之錢屬其必達章視其街 香滿於使卷篇則見香氣自它室而出露若雲霧淡淡 吴幵正仲云渠為從官與數同列往見於京坐於後 乃崖州司户泰軍薛柳也遂解門者至臨安府人益 **基皆一時異事也** Ŀ いく 閤

皆父祖命名有伯珙者軓為抱券人誤寫作恭遂仍其 ここりえ 敢然親昆弟有名不通不通者記不知改後祖免之外 賜 宗室熙寧之前不以服屬皆賜名補環衛官當有同時 白 謬既而試進士中第自范 消 注姓名音切而求之廣韻玉篇凡字書中皆無玉旁 坐幾不相睹而無煙火之烈既歸衣冠芳馥數日 名為叔總叔是叔渾叔齡之隱武因以致訟後雖 計非數十两不能如是之濃也其奢侈大抵如此 1.11 i 推力系 致虚唱名誤呼既姓後皆令 Ē 不

釞埞匹库全書 之十四年說罷宰相翰出為汝州長史徒仙州別駕日 駕部員外郎家舊聲伎目使頤令自視王侯人莫不惡 翰畫須菩提像世以王為與杜子美卜鄰者按文苑傳 世當又增此一字亦可笑也 作恭宇音乃止以居煉切注之衆皆不悟遂形誥勅後 酒開元十一年張說輔政召為秘書正字權通事舍人 翰字子羽并州晉陽人少豪健恃才及進士第然喜蒲 江州廬山西林乾明寺經蔵壁間有唐戊辰歲樵人王 卷月月

畫工所能自開元十六年戊辰逮紹與九年已未四百 てニフラ 其實惟樹多蟻則蟲不能生故園户之家買蟻於人 與才士豪俠飲樂遊畋伐鼓窮歡坐貶道州司馬卒則 蟻 有收蟻而販者用猪羊脬盛脂其中張口置蟻穴傍竢 西林所畫盖自仙州貶營道時過九江也筆墨簡古非 **廣南可耕之地少民多種柑橘以圖利常患小蟲損食** 一十二年矣今獨石刻存馬 入中則持之而去謂之養柑蟻 1.11 組み編 F 遂

彭京匹库全書 鐵馬之汗盖過之遠矣其神異之事已載於國史方 藝祖皇帝以開實九年十月二十日癸丑上仙其夕有 以護 移至今其木枝條皆有龍角之狀其所寢之地草獨不 九年凡一百六十五年威靈如在視唐文皇玉衣之舉 雲物之異自是每歲忌辰必有雨雪風冽之變至紹 生此實録之所遗者余作倅臨涇嘗親至其下為築垣 隱時自鳳翔道過原州當息崇木之陰日已轉而陰 卷下 潛 典

次足四華七島 | · 尖今博山香爐取其狀類也羅山又名羅浮云在海中 惠州博羅二山羅山傍海博山祠並又在海中形圓而 師為太一宫使時年八十歲矣視宰輔貴臣皆晚進出 吕惠卿吉甫自貧高才久排嬪在外大觀中始召至京 羅浮甘今山中更不復有而其名不冺 人取其實以進愛其味美因移植苑中故世貴之竟傳 浮而至山下有延祥寺當有廿一株太平與國中有中 已下者意氣頗自得一日延見衆客有道士亦在其內 雞肋編 嘉

自 るら 收 吕 於路傍此傳記所未嘗載者若以惡獸毒螫之物自 紹 女口 雲 難 顧空中有紙為即使賦之道人應聲回因風相 興九年歲在已未秋冬之間湖北牛馬皆疫牛死 端擾擾兒童仰面看莫為縣多便高放也防風緊 稱宗人禮數簡易召視之不平因問其所能曰能 世之畫吕洞廣人皆疑其是也 八九 P 吕知其談已有慚色方顏他客已失所在其風骨 ß 而 111111 鄂州界學鹿野猪虎狼皆死至於她他亦 卷下 激 斃 者 却 在 殭

於足四華全書 !! 海仙時遣探芳叢倒掛緑毛公鳳素面當嫌粉汙洗 李文定公族孝博之子健字全夫喜食糟蟹自造 事皆北人所未知者 東坡在惠州作梅詞云玉骨那愁烟瘴氷安自有仙 人呼為倒掛子而梅花葉四周皆紅故有洗粉之句二 羽 不退唇紅高情易逐海雲空不與梨花同夢廣南有 可喜而牛馬亦被其灾是未可解也 丹悄禽其大如雀状類鸚鵡棲集皆倒懸於枝上 難肋編 孟 粧 緑 風

光明有觀音菩薩坐其內處起視魚諸屬皆動因棄於 **壜凡數百枚食之止餘** 割鮮者食之方美一日親視庖人将生魚已斷成鬱忽 水中自是終身就食余在順昌見同官二人年六十餘 有睡思遂就枕令覆魚於器俟覺而切乃夢器中放大 以無子戒不食魚未幾皆有子遂刻文以勸人亦自不 食建炎三年在平江之常熟家人謂鮭魚出水即死食 不可及遂失所在孫威敏公夫人邊氏喜食鱠須目見 Ľ 月と言 一枚取出置器中忽起行逐之

會景雲二年授中書舎人以父名忠言因解拜諫議大 事也 夫開元初復拜中書舎人又固辭議者以中書是官司 2 11 2 51 1125 議避之為非紹與中范崇知鄂州以父名喝解不聽而 蛤蜊之事相同若無善緣剛强不可化者亦不復見此 唐李賀父名晉肅而賀不敢應進士舉韓愈作諱辩以 唐馮宿父名子華及出為華州刺史乃以避諱不拜賈 之非殺亦斷為臠至暮欲再烹而動此皆與唐文宗食 雞肋編 孟

金分四周台書 音異與字異而音同事盖相類又二名偏諱皆所不當 **徳麟父名世曼及除提舉萬壽觀雖字有古今之殊比** 避者而唐世法乃聽之與今條令盖少異矣宗室令時 名又與鲁父音同而字别於禮無嫌乃就職此字同而 之子華則若可避而朝廷亦不許法謂府號官稱犯父 近厚之一端也 縣有安仁乞避則遂聽其辭雖不應令而推之人情亦 祖名者皆合避而馬騰父名安仁紹與八年知衡州

寺後有洞洞中皆此她而極難得得之者以充貢洞內 所 RED BL LILLS 外所產雖枯两目 月十日採捕之圖經云其文作方勝白花喜螫人足點 目皆不明矣市者視此為驗以輕小者為佳四两者 E 本草載白花她一名寒鼻她生南地及蜀郡諸山中 被螫者皆立斷之其骨刺傷人與生螫無異今髮家 用惟取斬州斬陽鎮山中者去鎮五六里有靈拳寺 明其舒州宿松縣又與黃梅為隣間亦有之枯則 猶明至黃梅諸縣雖隣境枯則止 雞肋編 Ē 两

多用生命以濟危急雖曰賤畜貴人至於爱命人畜 直十千足土人冬月尋其蟄處而城取之夏月食盖盆 金贞 方所以不用生命為樂者良以此也其重蟲水蛭之類 也損彼益已物情同患夫殺生求生去生更遠吾今此 孫真人備急千金要方大鑒精誠篇云自古名賢治病 两 剖腹乃死入藥以酒浸炙去首與蘇骨三两可得肉 子者治疾尤有功採者置食竹筒中作絕網以擊其首 用也 四屆全章

市有先死者則市而用之只如雞那一物以其混沌未 Control lists 者有力於婦人白殺九方云三月摘食時可食牛肝 心不可故殺令予短壽鯉魚湯與治水方皆云勿用生 分必有大段要急之處不得已隱忍而用之能不用者 齧方云勿令狗主打狗於毒螫傷人之物尚不忍生心 向之亦不得殺若輒殺者後必遭螫治亦難差小兒狗 魚論諸毒螫則云凡見一切毒螫之物必不得起惡心 斯為大哲亦所不及也至後有用雞子者則云用先 雄功編 三天 破

剑 5 四 月 全 書 廬 奇林億以崔氏慕要等方所增加也不特失真人之 而 求注中已辨其事今更載於此以釋來者之感云 盛其花紫而香烈非群芳之比始野生深林草莽中 為名今山間幽房小檻往往種瑞香太平觀東林寺為 娠 心又愿後世更疑不用生命以為虚語故余於本草蒙 諸方皆用烏雞之類割頸取血以煎藥乃高保衡 加錘况其他乎其仁慈可謂至矣而新校治婦 山記載錦绣谷三四月間紅紫匝地 卷下 如被錦绣故 用 姙 孫

į

- A

韓 裁三十年而澧州使園有瑞香亭刻石為記云其高丈 とこりえ 州 有子歲取以種其初盖亦得於山中不獨江南有 之家有高尺餘者已為珍木置於陰室既以佳茗而郡 餘大觀中余官於彼亭記雖存而花不復見東都貴人 下盖出此山云余常在京口僧舍有髙五六尺者云已 聞其香尋而得之栽培數年則大茂今移貿幾遍天 信傅淮陰屠中少年有侮信者曰信能死刺我不 人家園圃中作畦種之至連大枝採研不甚愛惜花 11 1.17 雕加編 三九 也

多分四月全書 之諸書有如此者甚衆即舉其一馬 音韻不同今學者亦未當分别前讀將為庫音世必笑 按 之者方議除權會有邊報小警視奏目中適見其姓名 會稽士人有錢唐休者頗有聲於時趙丞相當國人薦 徐廣注云袴一作將將股也音同又云漢書作跨同 也又两股間也勝两股間也音與跨同將跨字相類 死出榜下後云召辱已少年令出胯下者以為楚中 尉 玉篇袴音苦故切膀股也音與袴同跨苦化切跨越 卷下 耳 而

次正日里白色 名 幸不幸盖亦數使之然也可勝歎哉 密其院中奏牘書名相次人有 替之者謂趙 熊折為 趙 詩云俱客古信州者盖謂夔州亦未究其得名之故 **余寓居上饒數問信州之得名於那人莫有知者後** 圖經載弋陽縣有信義港以地極肥饒人多信厚而 疑州之為稱或以是也而變州其先亦名信州子美 乃與錢事相類古今以識語而為禍福者多矣雖 不悦曰錢唐遂休乎因置不用後趙引折房質為極 雞肋編 四十一 觀 有 得 不

金贝四 坐責當路者故以新處之其至方暑尤急於問舍又欲 竟死於彼縣之貶人謂劉幸老為有力至紹聖初 亦若平日怨以名堂顧視久之曰可以二相名之即 堂名而未得一日夢一貴人坐其堂上士子者從之游 新州城中甚隘居人多茅竹之屋有士子於附郭治花 至無宅可居遂求堂以處士子欣然納之意其再入 圃 而覺殊不晚命名之古未幾於持正坐讓訓貶新州 粉為一堂前後两無頗極爽麗每延過客遊宴屢乞 屋 白潭 盤] 而 寤 既 既

次定日奉在時一 作帶人窮令智短百巧千窮只短察起倒不供即應俗 語 飛 杜少陵新婚别云雞狗亦得将世謂諺云嫁得雞逐 假堂為館士子以二相為不祥不許而劉請甚堅不得 為靈何以異哉 已以夢告之劉以蒸濕不堪又以其言為未信竟借 居亦終於堂中則二相之名盖預定於數矣與靈公之 如昔日別瘡今補肉百孔千愈容一 嫁得狗逐狗走之語也而陳無己詩亦多用一時 雞肋編 鏬折東補西裳 型 雞 いく 俚

後篇 金只 薦 渇 世 調 破 經 用 事長一 急行寧小緩 誰 四字巧手莫為無髮餅 賢仍賭命 鬼人 U 語 雞透 見作 能留渴須遠井 E 拍千 如 白達 賭命軟)離犬升 手年 智稱家豐儉不求餘卒行好步不两 笑調 而東坡亦有三盃軟飽後 拙 慢急行行 勤終不 飽猶 屋 遅趕 救遠 上雞 可 酒 近水 屋毈 解 補 早 袧 渴不 得巧 割白鷺股何足 作千年調 瓶懸寬間終 而 補將 無息 黑甜 拙勤 超婦 斧斫 尔做 後世不 飥不 仍手摩 不應遠水救 一生也作 枕黑甜 碎 難 知 得皆 其 上寫 大斧 須瓦 了手 為 餘 十 井罐 并 上終 全 皆 近 蹠 股腿摩斫

火王の巨人 謂之倒箱會廣南富家生女即當酒藏之田中至嫁方 也 矣如詩之串夷載路書云吊由靈安知非當時之常談 謂之捋帽會江浙人家生女多者俟畢嫁亦大會親賔 郎衣此皆可為對者蜀人每食之餘不論何物皆投於 取飲名曰女酒貧家終身布衣惟娶婦服絹三日謂 西北人生子其衛輩即科其父首使作會宴客而後已 器中過三月方取食謂之百日發極貴重之非至 雞肋編 聖二 為

金好吃屋台電 盡食紅糟蔬菜魚肉率以拌和更不食醋信州冬月又 富季中樞密院奉祠居婺州忽夢行道上想大木下有 道中時方秋暑從者疲恭果想於大木之下有過之者 人止歧路云此入閩中路也未幾除守泉南行至江山 至家不得而享也江南閩中公私醞釀皆紅麴酒至秋 曰此入閩中路也宛如夢中所見乃太息曰雖欲不來 以紅糟煮酸鯉肉賣酸鯉乃穿山甲也 其可得也

年時廖為中丞鄭望之侍郎領宮祠居上饒後數月剷 大きりはんない 自是凡軍假攝有不待朝命而行者已而雖非軍旅及 请康之後時方用兵急於人才故士大夫多奪哀起復 之初未相識問之乃同榜登第是日用中赴州會方坐 少異則出處升沈動静語嘿悉皆前定也 得信州到未久廖以宫觀罷歸南劍道由信上鄭往 劉岑季高問居湖州夢廖用中云剛與鄭顧道却是同 即云鄭顧道在此其與之却是同年與夢中所聞略無 雞肋編 里

宣和中濟南州宅中有思為美婦人以媚太守其後林 此 籍材幹多以急禄而起李将仕東云在與國軍有通山 金厂口 之後同僚見其巾用稿素問其所以云先此不幸曰 縣尉以喪母在告既而出然人皆駭愕而不敢問數 震成材司業出守是州初到乃襟於官奴中縣衣淺 無 何故然告云某已於几筵前拈香起復矣禮義之喪 至於此是可嘆也 **粒飾順長而美頗異於衆林儒者雖心怪之未欲詢** 屋全書 卷下 色 山文 Ð

次定日華人語 時何執中為丞相林乃其将奏開徽宗至遣法師以符 吕 錄驅治終其能逐乃移林知汝州未幾林竟卒 棒兒面捌之面遂視背不能回轉舉家大異始知妖 婂 貌衆皆云無林方感之次日遂竟入堂室林遂親爱之 自是與家人襟處無相忤也一日二小女兒戲於堂上 究後屢閱公宴竟不見此人乃問之隊長告以服飾 洞賓當遊宿州天慶觀道士不納乃宿於三門下 人過而衣裾誤拂兒面其人詬之婦人笑而回以 雞肋編 四十四 異 手

建炎初車駕自維楊渡江金人分兵逼壽春衆初太守 後人有疾病者刮其字以水服之皆愈今刮取門木皆 亦皆穴也 穿透矣又楚州紫極宫門楣壁上亦有題詩云宮門 金り口 馬識遠使投拜馬柜之率兵城守卒能保全及敵退 開入臨水凭欄立無人知我來朱頂鶴聲急人取字土 云手傳冊象千年術口誦黃庭两卷經字皆入木極 柘 禁而食踰月方去臨行以石榴皮書於道士門扉 Ĺ 1: 1: 深

次至四年人島 日如何可脱徐曰法心覺了無 年大節與徐兢明叔俱在孟康幕中一日大節與徐 殺推大節權領州事以太守首先投降及兵退尚不 我輩終不得全慕官王大節曰彼有家屬如何於是盡 曾欲降者及不自安乃謀殺太守以掩前失曰守若 用 下時都沒事若放不下冤債到來何由罪免王面發赤 禪曰罪福之事報應有無徐云未了還須償宿債大節 建炎年號具奏朝廷遂權大節通判權州事紹 雞肋編 一物趙州和尚道故 四五 與 得 論

次日具飯邀徐家告壽春之事曰還可脱免否明叔曰 與徐皆能道其事 能了翌旦徐與同官王昌俱訪大節忽言病來又曰 齊志道在洪州一日忽病狀如傷寒發熱已而手足厥 紛紅莫能悉記二公驚出但聞哀祈之聲久之竟死孟 四壮矍然而起曰知罪過知罪過又曰且放我寬語言 不得了不得且救我遂倒仆二公取艾炙其臍中方三 如趙州言放得下始得王曰如何放得下明叔曰惟覺 ら ロードノー 3

次定四車全書 · 餅家人急奉之乃以手取超搏成塊武齧之家人驚 密州高安縣販邵武軍客人被爾朝議在吉州權縣将 乃曰朝議才省來且慢吃遂怒目曰那得朝議來我是 孫延直徳中云渠在 我六個平人悉做大辟殺了今來取命爾朝議已去久 頃遂什徐明叔與齊鄉人知其不妄 冷湯劑不能下昏昏熟睡但微喘息迫暮忽大呼索湯 人聽其聲乃東人語音狀怒可畏但涕泣而已少 缺 雞肋編 有尉李修以補盗賞改承務 野が

陳此 出數日方死又一同官性嚴酷訊囚多過數晚年告两 任為太廟齊郎後為雍丘縣主簿薦改官者凡十七 足浮腫醫療莫効久之肉 爛指落浸淫潰至半脛而 妻平日不為夫所禮乃獨存李臨終歷潰透腦腦髓流 置酒為慶明日五口皆生療歷數月之間死者四人 郎而盗中一名乃逃軍李以拒捕殺之受命之日家中 不可不成也 實之徐州彭城人慶思元年以外舅願額公籍 惟 死

次三日每一日 信 廷見仁宗怪其多時顏公為樞密使仁宗務抑勢家特 止以五名應格比引對其一舉者不可用亦不果改京 以多而報罷不知後以少而失信乎為有命也其子師 秩又射真州支使至治平二年方遷大理寺丞世徒知 道無已作先君事状亦載此 不與改再授忠武軍節度推官既罷舉者亦十餘人乃 "吸猪處州龍泉以首亦然温州四時有蘭各是一 州弋陽縣海崇滿山村人至并花伐以為新廣南以 雞肋編 里之 種

寺後者為佳切以竹刀洗暴通白其寺南及他處者即 仙茅一名婆羅門參出南雄州大鹿嶺上以路北雲封 卒以盤根不可徒而止然其花終無能名者 桃 衡州耒陽縣有桃一株結子而穰不甚實廣州有無核 金ら 婺州義烏縣有葉鍊師者本蓓蕾村田家女隨嫂浣紗 心有黑量以此為别 而合為一樹云見於唐杜牧詩中宣和間欲移取屢矣 把海南有無核荔支一樣嚴州通判廳下有花數種 U LA COMP 欠已日日上午 來為縣人作水陸虧時周常仲修侍郎居鳥墩有二弟 見之昨夜水陸會中却見侍即來赴也周信之亟買舟 元寫元輔在餘杭添見元賞曰侍郎安否承務可急往 孫延壽嚮仲云渠知餘杭縣日有臨安鉄塔院僧志添 宗聞之召至都下引入禁中賜號錬師 年之後性極通慧初不識字便乃能操筆書有楷法被 於溪中見一巨桃流於水上乃取以遺嫂時方仲冬嫂 其非時又若食餘因棄不取女乃啖之歸遂絕粒瑜 越加納 少大四

金分四周台書 寫草卷歌刻石傳於世 多見亡者道其形貌語言甚異人歸向之黃魯直為之 文館雖已許之久而未上乃以吕賀其執政啓以示秦 來看水陸且宜将息未幾周亦卒添作水陸齊極嚴潔 西即作於政有機宜吕廣問欲加引用廖與給事中 廖剛為中丞建議令两制舉士拔擢超用時李光自江 而去至則仲修已不幸矣又當謂周邠開祖曰公何故 止中書舎人周葵遂通薦之李又求於秦相欲置之 劉

艺艺 **欠已日日八十二** 殿餘春之句遂榜曰殿春亭作横牌書之同列有惡之 室皆取其言以為名皆種芍藥於亭下以蘇詩有亭下 中 之人百辟承風尤在於朝夕赫赫有為之際秦意愈怒 及其門人又成一黨 驕丞相固已不樂至四方屬意固異於前後碌碌無聞 其中有云屈已以講和而和未次傾國以養兵而兵愈 人趙舜輔希元自負詩文每以東坡為標準居處齊 不與之至爭辯於上前李由是罷廖與周劉亦被逐 雞肋編 四九

金员四届全量 者三百六十有九人獨前稱房杜後稱姚宋漢唐歷年 當世之務號獨差論朝廷止除充嚴州教授而已其論 表之寓居西安亦好吟咏每相譏評後表之除浙西憲 相篇云臣觀漢有天下三百年其為輔相者四十有七 鄭範季洪信州贵溪人登第久不仕皆獻書五十篇言 舜輔疏其短引嫌乞避遂移嚴州而憲亦罷馬 者乃謂其家有亭春殿由是出為衙州兵官時趙令於 獨前稱蕭曹後稱丙魏唐有天下三百年其為輔相 卷:下 **伙定四事全部** 少時當以平歲秋成栗穗量其短長數其粒數至中年 東漢四十九唐七十有四則灾異亦浸多於古余在紹 十九年日食九十三春秋地震五两漢載於史者亦五 已後數量校之漸不及前至其晚年豐歲及不治少時 聖問見東京相國寺慧林禪院長老佛陀禪師德遜云 食三十六西漢二百一十二年日食五十二唐二百八 相亦不專於前古也又灾異篇云春秋二百四十年日 相若而命相多寡幾十倍之差疑漢有所遺而後世任 雞肋編 季

會就食任陳脯常為永例武宗開成五年以二月十五 於令從之文宗長慶四年十月十日慶成節詔自今宴 之言亦相符也至於人之壽福亦安得如前人乎 之凶年信釋氏入末封之說為信則灾異之多疑與遜 於史唐玄宗開元十七年八月五日為千秋節王公己 日玄元皇帝降生日為降聖節六月十二日皇帝載誕 誕日禁屠宰始於隋文帝為先帝先后追福其後不見 下獻鏡及承露囊天下諸州咸令宴樂休假三日仍編

次是可長 在 之辰為慶陽節懿宗七月故 禁屠宰而殺害物命甚多崇寧中始有獻議令宴設止 唐割思禮少當學相術於許州張憬藏相已必歷刺史 十二日為嘉會節哀帝九月三日為乾和節餘不盡見 皆三教入殿講論於寺觀設癬不得宰殺然初即位未 用羊豕余在靖康間當之廢罷獻設已久記莫肯從 止載千秋節名後世遂為盛禮天下宴飲公私勞費雖 便立節名惟昭哀改元已立此見於唐舊史而新史又 雞肋綿 為延慶節昭宗二月二

出 位至太師及為其州刺史益自喜以為太師之職位極 哲人萎時華山崩京師木水極為中的人多不見木稼 善相在方伎傳然其所載但言所中者耳如相思禮之 人臣非佐命無以致之乃與綦連耀謀反被誅憬藏以 日雨木水凝寒凍冽而數日不解寧王見而嘆曰諺云 王介甫作韓魏公挽詩云木稼當云達官怕山推今見 謬盖不少也 處按舊唐書五行志開元二十九年十一月二十 た人二十二 卷下

樹稼達官怕必有大臣當之其月王薨 悲亦然羌人吹之以驚中國馬云琵琶四絃樂也初奏 漢末始用之於嘉會齊後主高緯尤所好高麗亦有之 窟碣子亦云題碣子作偶人以嬉戲歌舞本喪家樂也 長城之役有經發而鼓之者及漢武帝嫁宗女於烏孫 見舊唐音樂志今字作塊儡子又笛漢武帝樂工丘 所造云其元出於羌中篳篥本名悲黛出於羌中其聲 乃藏琴為馬上樂以慰其鄉國之思推而遠之曰琶 往山扁 1 仲

金定四庫全書 情愚智皆同賢者能節之不使過度則前聖格言也陛 奉御柳模自言子良屬潔白美鬚眉左監門衛長史侯 入侍昌宗薦易之器用過臣即令召見俱承辟陽之罷 而近之曰琵言其便於事也 祥 張易之行成之族孫則天臨朝太平公主引其弟昌宗 下內罷已有薛懷義張昌宗易之固應足矣近聞尚食 補關朱敬則諫曰臣聞志不可滿樂不可極啥慾之 云陽道壮偉過於薛懷義專欲自進堪充奉宸內供 **港**海下系

章也 勞之曰非卿直言朕不知此賜終百段唐之舊書詳載 清甚發當時之譽此亦舊史之文今若用激濁揚清為 奉無禮無義溢於朝聽臣愚職在諫諍不敢不奏則 王珪自謂激濁楊清嫉惡好善臣於數子亦有一日 斯語父子兄弟君臣薦進獻納如此亦可謂之穢史矣 ここう 大亮則人多以為怪矣若不記萬卷書未可輕議人文 長 此事世皆知之李大亮為劍南道巡省大使激濁 進力 E 之 楊

金定四庫全書 盖 落筆署字漢儀堕紊一至於斯乃使渾惟明取希言希 尊侯王禮絕僚品柬書來往應有常儀今乃平牒抗威 署其名璘遂激怒牒報曰寡人上皇天屬皇帝友于地 唐舊史云永王璘生於宫中不更人事其子襄城王瑒 言在冊陽令元景曜等以兵拒之則李太白初從其行 江左之心而未露其事吳即採訪李希言乃平牒璘大 又勇而有力遇兵權為左右眩惑遂謀在悖璘雖有窺 璘未露其跡不然豈肯從其為逆者也而李希言署 卷下名

任起 與鄭元和對喬云某豈有遺行若被邪曰非為此也特 盖 璘之本謀便為犯順至於翰林之貶猶為輕典矣 古人坐席故以伸足為箕倨今世坐榻乃以垂足為 ٧Z 喬 たい ラス ション 名平牒故欲激之亦可罪矣今新書皆畧而不載不 名同年號世未見其比耳又葉三省景參嚴州人 大觀維揚人紹與中仕宦於朝當有人戲之曰公可 相反矣盖在唐朝猶未若此按舊史敬羽傳羽為 居舎人姓名與字皆有两呼亦所鮮有 往历扁 でで 皆 禮

ፊ 远 库 全 書 史中丞太子少傅宗正卿鄭國公李遵為宗子若永告 僧徒猶為古耳 其贓私詔羽按之羽延遵各危坐於小床羽小瘦遵豐 世俗以手引小兒學行謂之多莫知其義以此觀之乃 易正義釋孫頤云孫是動義如手之捉物謂之孫也今 何得慢那遵絕倒者數四則唐世尚有坐席之遺風今 碩 用手捉則當為尕也 頃間遵即倒請垂足羽曰尚書下獄是囚羽禮延坐 卷下

格制 皆莫能知其所出後因檢禮部韻略悅字注云悼悅心 真宗不豫冠菜公與内侍周懷政密請於上欲傳位皇 被宗害問近臣七夕何以無假時王 糊為相對云古今 夕詞云須知此景古今無價而俗謂事之得體者為有 亂 世俗簡續中多用老草如云草畧之義余問於博洽者 無假檢宗喜甚還語近侍以關奏對有格制盖柳永七 也疑本出此傳用之誤故去心耳 也 維加編 五五

弘定四库全書 懷政策公貶海康以死仁宗即位賜諡忠愍命知制誥 太子上許之皇后令軍校楊崇勲告萊公謀廢上遂誅 獎貴得其公惟節惠之舊章實經世之明勸不有正議 孰姓遺烈故開府儀同三司太子太傅上柱國萊國公 丹直道如失速余主鬯之日實乃東釣之秋圖惟協恭 **원準器資莊重風猷簡貴感會先聖綢繆上司明心若** 罔有二事造盗言之噂贻挾危法以中傷白壁易汙貝 丁度為詞曰夫殉義保躬賢哲罕無其致原心觀行張 卷下《 火足四角在 忠烈廟道州刊公詩二百四十篇州宅有樓號跑公而 奉上曰忠佐國遭憂曰愍合是休典慰其管魂宜特賜 沈謀秘畫淪於疑論逝者莫愬朕甚閔之諡法有危身 之痛問雖将伸澄雪追實罷嘉而誄切易名尚缺恩禮 **諡曰忠愍今公安縣道州鄧州皆有生祠鄧州後賜名** 公安挿竹挂紙錢以焚祭公今生成林尤為其也 難辯再惟遐謫遂及云亡終悲零露之歸徒較幽泉 雞肋編 丢

雞肋編卷下		1	が大場所	V		おり世屋といると

,